



اعلان

الجامعة الشعبية تنطلق للسنة الثانية لنصنع التغيير معا(فرص للتعلم المجاني)

ما قدرت تكمل الجامعة؟ ما قدرت تحصل على الشهادة؟ ظروفك ما سمحت باستكمال تعليمك ورغم هيك لسة في أمل

الشهادة مهمة لكن هادي الفرصة لكل حد صبية أو شاب بدهم يكملوا مشوارهم بالمعرفة والعلم والانطلاق والاكشاف ويكونوا قادرين يأتروا بمجتمعاتهم.

العام الماضي كانت تجربتنا الأولى للجامعة الشعبية، ولنجاح التجربة قررنا أن نكمل المشوار مع شباب وصبايا جدد.

خاض الشباب والصبايا مرحلة من التعلم وعرض تجاربهم عشان يعرفوا دورهم ومكانهم في التغيير الإيجابي اللي حابين يعملوه في مجتمعاتهم، مرة بالحوار، ومرة بتبادل الخبرات بينهم ومع غيرهم، ومرات بمناقشة القضايا اللي بتهم مجتمعاتهم وكيف ممكن يكون الهم دور فيها، وكانوا جنب بعض وخطوة بخطوة مع زملاءهم من ذوي الاعاقة واللي ما حالفهم الحظ يكملوا تعليمهم فيها بشكل فعال وعكس تجاربهم والاستفادة من تجارب غيرهم من خلال العديد من الأنشطة التفاعلية اللي مرتكزة على النهج القائم على حقوق الانسان مثل:

- زيارات ميدانية لمؤسسات حقوقية.
- مجاورات تعليمية بوجود أصحاب تجارب وقصص نجاح.
- معاشات في أماكن ومؤسسات مختلفة... وغيره وغيره من طرق تفاعلية وحيوية.

وبعد كل هاد الجهد توجوا هاد بالمرحلة بمبادراتهم المجتمعية اللي عالجت قضاياهم اللي حدودها بطريقة تشاورية، واللي كانت زي محاكاة لمشروع التخرج وفي كل هادي التفاصيل والمراحل كانوا هم ريان السفينة.

لهيك حابين نعلن عن انطلاق السنة الثانية من الجامعة الشعبية واللي من خلالها رح نكتشف دورنا الفعلي في عملية التعلم من خلال مسارات نظرية وأخرى تطبيقية، وكمان رح نتعلم من بعض ومع بعض، عن التغيير، عن حقوق الانسان، عن القرارات الدولية يلي بتوفر لنا الحماية والمشاركة، وبتساعدنا ندافع عن حقوقنا ونفهم منظومة القيم والحقوق العالمية والمحلية اللي بتهم المرأة والشباب على وجه التحديد، وكمان رح نتعلم كيف نستثمر مواردنا وقدراتنا في معالجة احتياجات مجتمعاتنا وحل المشاكل اللي بتواجههم، وكيف نوصل صوتنا لكل حد اله علاقة بمشاكلنا واحتياجاتنا، وكل هذا عشان نقدر نفكر بشكل مختلف ومبدع ونساعد بقوة في تغيير المجتمع ليكون أفضل.

إذا كنتم مهتمين بالفكرة خلينا نكمل كيف ممكن تنضم للجامعة الشعبية

بالأول: المعلومات اللي لازم تعرفوها

- عدد الفرص المتاحة: الفرص محدودة من (25-30) شخص بحد أقصى.
- مدة الانضمام: 9 أشهر
- عدد الساعات: (150) ساعة تعلم، فيها نظري وتطبيقي بس التطبيققي أكثر.

- الجدية: قبولك في الجامعة معناه إنك أخذت فرصة متاحة لهيك مهم كثير كثير الالتزام والانضباط طول الفترة المحددة.

بعد هيك لازم تعرفوا الشروط والمحددات المهمة عشان تفحصوا الأمر قبل ما تقدموا

- مهم تكون من سكان محافظة خانيونس ورفح لأنو هاي منطقة الاستهداف الخاصة فينا.
- إذا عمرك ما بين 18 ل 35 سنة يكون ممتاز.
- لازم يكون عندك دافعية للانضمام والتفاعل وحب للتجربة.
- لازم تكون متفرغ تماما لحضور (150) ساعة معنا.
- مهم يكون عندك تقبل لكل الآراء لأنه كلنا بدنا نتعلم من بعض
- اذ ما اتبحت الك الفرصة للالتحاق بالجامعة أو استكمال تعليمك هذه فرصتك للانطلاق والالتحاق بالجامعة الشعبية إذا ما كنت مخلص جامعة مش مشكلة خالص، هاي الفرصة مش مشروطة بالتعليم الجامعي.
- إنك تسجل في هاي الفرصة بعطيك أولوية أكبر عند الاختيار.
- أولويتنا المناطق المهمشة والأشخاص ذوي الإعاقة والنساء المناطق المهمشة الها فرصة كبيرة.
- الأشخاص ذوي الإعاقة والأشخاص الأقل حظا بالتعليم بنشجع وجودهم ومشاركتهم بقوة في الجامعة الشعبية.

إذا كنت حابب تنضم معنا في الجامعة الشعبية ممكن تعبى الطلب من خلال الرابط التالي:

<https://docs.google.com/forms/d/e/1FAIpQLSfad8IW7x3G-olbXYIddcDcM4d7EmxXnXvkda2jU0M-UoTKAQ/viewform>

أو ممكن تشرفونا في شبكة وصال التابعة لجمعية الثقافة والفكر الحر في (خانيونس، الحي الياباني، بجانب روضة الحرية) وتعبوا الطلب هناك بموعد اقصاه الخميس / 11/مارس/2021.